

**Pozivajući se** na Konvencije o pravima djeteta, Zakon o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo, interese društva i lokalne zajednice u cjelini,

#### **Duboko svjesni da**

- Sva djeca i mladi imaju ista prava,
- Sva djeca i mladi imaju pravo na najveću moguću mjeru zaštite zdravlja kao i zdravstvene preventivne i medicinske brige,
- Djeca i mladi imaju pravo na podršku i aktivno sudjelovanje u društvenom životu,

#### **Uvažavajući**

- najbolji interes djece – šticenika KJU Dom za djecu bez roditeljskog staranja,
- ulogu i značaj društva u pružanju podrške u odrastanju djeci bez roditeljskog staranja,

KJU „Porodično savjetovalište“ Sarajevo, koju zastupa direktor Senad Alić

i

KJU “Dom za djecu bez roditeljskog staranja” Sarajevo, koju zastupa direktor Saudin Đurđević

izražavaju svoju volju da dodatno unaprijede već uspostavljene oblike i sadržaje saradnje i urede ih kroz sljedeći

## **SPORAZUM O SARADNJI**

### **I. UVOD**

Cijeneci iskustvo, kadrovske, tehnicke i druge profesionalne kapacite kojim raspolaže Kantonalna javna ustanova „Porodično savjetovalište“ Sarajevo, a imajući u vidu potrebe KJU Dom za djecu bez roditeljskog staranja (u nastavku „Dom za djecu“), te najbolji interes šticenika Doma za djecu zaključuje se ovaj Sporazum o saradnji.

Principi saradnje su:

➤ **Partnerstvo** – u cilju ostvarivanja i unaprijeđenja javnog interesa, strane

potpisnice će saradivati u dobrom duhu i u skladu sa svojim osnovnim djelatnostima

➤ **Transparentnost** – strane potpisnice učinit će javnim i dostupnim svim zainteresovanim stranama informacije o svojim planovima, programima, projektima i aktivnostima u pogledu ovog sporazuma.

➤ **Odgovornost** - strane potpisnice preuzimaju punu odgovornost za realizaciju zajedničkih aktivnosti;

## II. CILJEVI

Ciljevi sporazuma su usavršavanje programa i mjera za zbrinjavanje djece bez roditeljskog staranja.

Poboljšanje u pristupu odgojno-obrazovnom procesu u cilju pružanja kvalitetnijih usluga u Domu za djecu.

Pomoć stručnjaka Porodičnog savjetovališta štíćenicima Doma za djecu sa ustanovljenom dijagnozom poremećaja u ponašanju.

## III. PREDMET

Predmet ovog sporazuma je uzajamna programska, tehnička i savjetodavna podrška na realizaciji aktivnosti u vidu organizacije različitih radionica, edukacija, predavanja kao i psiho-socijalna podrška mladima bez roditeljskog staranja.

Promocija dječijih prava i unaprijeđenje zaštite istih.

## IV. PRELAZNE I ZAVRŠNE ODREDBE

Ovaj Sporazum je zaključen u dobrom duhu i međusobnom povjerenju.

Potpisnici ovog Sporazuma će odrediti osobe zadužene za komunikaciju i koordinaciju zajedničkih aktivnosti.

Saradnja potpisnika ovog Sporazuma nije uslovljena nikakvim materijalnim učešćem u aktivnostima, i bazirana je na čistom dogovoru i mogućnostima strana – potpisnika Sporazuma.

Svaka strana potpisnica može jednostrano raskinuti Sporazum, slanjem pismenog obavještenja drugoj strani potpisnici.

Izmjene i dopune ovog Sporazuma mogu se vršiti uz saglasnost strane potpisnica.

Sve eventualne sporove koji se pojave u pogledu tumačenja i implementacije Sporazuma, potpisnice de rješavati u duhu dobre saradnje i uzajamnog poštovanja.

  
Saudin Đurđević, direktor

KJU „DOM ZA DJECU BEZ  
RODITELJSKOG STARANJA“  
SARAJEVO

Broj: 1685/14  
Sarajevo, 05.09.2014. godine

  
Senad Alić, direktor

KJU „PORODIČNO  
SAVJETOVALIŠTE“ SARAJEVO

Broj: 01-49-476/14  
Sarajevo, 05.09.2014. godine